

Decreto 172/1995, do 18 de maio, polo que se aproba o Plan de Urxencias Extrahospitalarias da Comunidade Autónoma de Galicia

Última versión

## MODIFICACIONES

Decreto 156/2005, do 9 de xuño

Artigo 5 apartado 3 nova redacción por artigo 1.

Artigo 6 derrogado por disposición derogatoria única.

Artigo 7 derrogado por disposición derogatoria única.

Artigo 8 derrogado por disposición derogatoria única.

Artigo 10 derrogado por disposición derogatoria única.

Decreto 31/2026, do 20 de abril

Artigo 4 apartado 1 nova redacción por artigo único.

Un dos obxectivos prioritarios da política da Consellería de Sanidade e Servizos Sociais é impulsa-la modernización do nivel primario de saúde a través da reforma da Atención Primaria en Galicia.

Por iso, e despois dun longo proceso negociador, a Administración sanitaria e as centrais sindicais CESM, CC.OO, UGT, SATSE e CSIF, con data 8 de xuño de 1993, asinaron un compromiso para a implantación e desenvolvemento dun novo modelo de organización da Atención Primaria.

Froito deste compromiso foi o Decreto 200/1993 do 29 de xullo, de ordenación da Atención Primaria na Comunidade Autónoma de Galicia, no que se deseñan os que serán os alicerces básicos nos que se sustentará o novo modelo de Atención Primaria en Galicia.

Tal como se sinala na exposición de motivos do citado decreto, esta norma non contén o desenvolvemento de tódolos aspectos e medidas necesarias para alcanza-los fins e obxectivos perseguidos coa reforma. Requírense actuacións posteriores nalgún dos aspectos que inciden no novo modelo deseñado. Así, o artigo 6.4º do citado decreto prevé a futura aprobación dun plan de urxencias.



A atención sanitaria urxente constitúe unha característica inherente á Atención Primaria, dado que é distintivo dela prestar asistencia sanitaria continuada e permanente ó longo da vida das persoas, en calquera circunstancia e baixo calquera condición.

A poboación ten dereito a ter na atención primaria unha oferta de atención continuada diferente e diferenciada da que poida ser proporcionada polo hospital; entendendo por atención continuada a prestación da asistencia médica a aquelas situacións sanitarias que non admiten demora, solicitadas por calquera persoa a calquera hora do día, que son susceptibles de ser atendidas no primeiro nivel asistencial, ben para a súa resolución no mesmo ou para a súa derivación a outro nivel.

Para isto, é necesario adecua-la atención de urxencias prestada á poboación desde o ámbito da atención primaria, dotándoa de equipamento e persoal suficiente, co obxecto de garantir unha prestación de servizos eficiente, homoxénea e de calidade, así como adecuada e adaptada ás necesidades e características da estrutura sanitaria específica de Galicia.

Por outra parte, resulta tamén necesario fixa-las condicións retributivas e laborais dos profesionais ós que corresponde a prestación da atención continuada.

A atención sanitaria urxente que se deseña prestarase minha serie de puntos xeográficos, denominados puntos de atención continuada (PAC), por tódolos profesionais sanitarios das localidades incluídas nos ámbitos de cobertura de cada PAC.

Naquelas localidades onde actualmente existan servizos normais ou especiais de urxencia, a atención continuada será prestada polos profesionais deles, mentres estes non sexan substituídos polos PAC.

A implantación dos PAC será paulatina, priorizándose nos lugares non cubertos polos servizos normais e/ou especiais de urxencias en función das dotacións orzamentarias, e necesariamente consensuada cos concellos implicados.

Por último, do mesmo xeito que para a aprobación do citado Decreto 200/1993, do 29 de xullo, conseguíuse un destacado grao de aceptación e consenso cos interlocutores sindicais (CEMS, CC.OO, UGT, SATSE e CSIF) plasmado no compromiso alcanzado o 22 de decembro de 1994, así como tamén cos colexios profesionais do sector e coas dúas federacións de municipios de Galicia (FEGAMP e FCG).

Polo tanto, en virtude do disposto na Lei 1/1983, do 22 de febreiro, reguladora da Xunta e do seu presidente, modificada pola Lei 1/1988, do 22 de outubro, por proposta do conselleiro de Sanidade e Servizos Sociais, previos os informes das consellerías da Presidencia e Administración Pública e de Economía e Facenda, logo de deliberación do Consello da Xunta de Galicia na súa reunión do día dezoito de maio de mil novecentos noventa e cinco,

DISPOÑO:

### **Artigo 1º.-Os puntos de atención continuada.**



1. A atención sanitaria urxente no ámbito da atención primaria en Galicia será prestada nos puntos de atención continuada (PAC).
2. Os PAC, que con carácter xeral terán ámbito supramunicipal, constitúen a estrutura física e funcional nos que se levará a cabo a atención das urxencias extrahospitalarias.

### **Artigo 2º.-Número e situación.**

1. A Administración sanitaria determinará o número e a situación dos PAC, tendo en conta os seguintes criterios:

- Número de habitantes e demanda atendida.
- Dispersión xeográfica e comunicacións viarias.
- Facilidade de acceso ó hospital de referencia.
- Recursos actuais dispoñibles.

2. Os PAC rurais estruturaranse, como norma xeral, arredor dun ratio de poboación de 25.000 habitantes. Esta cifra poderá experimentar variacións en función das comunicacións viarias e tendendo sempre a respectar unha isócrona de trinta minutos entre as localidades de cobertura do PAC e o lugar onde este se sitúe.

### **Artigo 3º.-Equipamento.**

Aprobada a creación dun PAC, e antes da súa posta en funcionamento, garantirase a dotación de equipamento e aparellos suficientes para a realización das probas diagnósticas complementarias pertinentes, así como unha área de descanso adecuada para o persoal.

### **Artigo 4º.-Horario**

1. O horario de apertura e funcionamento dos PAC abarcará desde as 15.00 horas ata as 08.00 horas do día seguinte, de luns a venres, e as 24 horas do día, os sábados, domingos e festivos.
2. A prestación de asistencia realizarase mediante a modalidade de presenza física.
3. Non obstante o anterior, cando circunstancias obxectivas, tales como a baixa demanda asistencial o as condicións de especial illamento, o aconsellen, a Dirección Xeral de Asistencia Sanitaria poderá substituír en todo ou en parte as gardas de presenza física por gardas localizadas, sendo proporcionado polo Servicio Galego de Saúde o sistema que garanta a localización dos profesionais.

Decreto 31/2026, do 20 de abril.

Artigo modificado: Artigo 4 apartado 1 nova redacción por artigo único.



## Artigo 5º.-Persoal.

1. Os PAC contarán cun mínimo de persoal facultativo, de enfermería e persoal non sanitario de apoio, que virá determinado en función do ratio de poboación a atender, e que posibilite que, como regra xeral, cada facultativo non supere unha presión media de 30 urxencias por garda.

2. Naqueles PAC onde exista un número suficiente de pediatras, ademais da atención ó adulto, ofertarase atención pediátrica urxente ós menores de 14 anos.

3. Aprobada a creación dun punto de atención continuada (PAC) a atención continuada prestarase a toda a poboación obxecto de cobertura do punto de atención continuada, con profesionais en postos de traballo específico en puntos de atención continuada (PAC) ou en dispositivos de atención urxente de primeiro nivel e con persoal das unidades e servizos de primaria, con independencia das cartillas adscritas a estes últimos.

Coa creación do punto de atención continuada (PAC) determinaranse os postos de traballo de médicos de familia e diplomados en enfermería que serán cubertos con persoal específico, polos procedementos de provisión que se establezan, coa determinación do cometido asistencial, das condicións de traballo e retributivas.

A prestación de gardas do persoal sanitario das unidades e servizos en puntos de atención continuada ou dispositivos de atención urxente en primaria será voluntaria mediante un procedemento de opción, nas datas, ámbitos, e número de horas de xornada en gardas que determinen os órganos competentes do Sergas, en función da debida garantía da cobertura asistencial á poboación.

As previsións anteriores serán desenvolvidas polos órganos competentes, logo de negociación na mesa sectorial de persoal das institucións sanitarias do Sergas.

4. Non obstante o establecido no apartado anterior, naquelas localidades onde na actualidade exista un servizo normal ou especial de urxencias, a atención continuada e permanente será asumida polo persoal dos actuais equipos de atención primaria, conxuntamente co persoal dos servizos normais e especiais de urxencias, en canto estes se manteñan como tales, sempre e cando a porcentaxe de poboación cuberta polo novo sistema sexa como mínimo do 50 por cento.

Nas ditas localidades quedarán exceptuados de tal prestación os profesionais de atención primaria retribuídos polo sistema anterior ó Real decreto-lei 3/1987, do 11 de setembro, en tanto en canto non se integren ó abeiro do disposto na disposición transitoria segunda citada no apartado anterior.

Decreto 156/2005, do 9 de xuño.

Artigo modificado: Artigo 5 apartado 3 nova redacción por artigo 1.



Decreto 156/2005, do 9 de xuño.

Artigo derogado: Artigo 6 derogado por disposición derogatoria única.

Decreto 156/2005, do 9 de xuño.

Artigo derogado: Artigo 7 derogado por disposición derogatoria única.

Decreto 156/2005, do 9 de xuño.

Artigo derogado: Artigo 8 derogado por disposición derogatoria única.

## **Artigo 9º.-Libranzas.**

O Sergas facilitará a adopción das medidas oportunas para facer efectiva a libranza do día seguinte trala realización dunha garda de presenza física, sen que iso implique, en ningún caso, a substitución do profesional ou profesionais.

Decreto 156/2005, do 9 de xuño.

Artigo derogado: Artigo 10 derogado por disposición derogatoria única.

## Disposicións adicionais

### **Primeira.-**

Unha vez constituído ó correspondente PAC, a asistencia urxente que se precise desde as 8 horas ata as 15 horas será prestada polo facultativo de medicina xeral ou pediatra que corresponda ó beneficiario solicitante.

### **Segunda.-**

As previsións contidas neste decreto levaranse a cabo de acordo coas dotacións que anualmente se consignan nas respectivas leis de orzamentos xerais da Comunidade Autónoma de Galicia.

## Disposicións transitorias

### **Primeira.-**



Os reforzos actualmente establecidos nos lugares de especial penosidade e illamento manteranse mentres non se creen os correspondentes PAC.

## **Segunda.-**

Unha vez constituído o correspondente PAC e mentres non se estableza un sistema de transporte que garanta o desprazamento do persoal para a realización dos avisos domiciliarios, cada desprazamento por conta propia que o persoal facultativo e de enfermería teña que realizar dentro do horario de funcionamento daquel será retribuído, en concepto de indemnización por transporte, coa cantidade de 500 pesetas.

## **Terceira.-**

Unha vez constituído o correspondente PAC e mentres non se estableza un sistema alternativo para facilita-lo servizo de comida do persoal dos PAC, por cada garda realizada dentro do horario de funcionamento daquel, indemnizarase cunha cantidade de 1.000 pesetas en concepto de manutención.

## **Cuarta.-**

As retribucións que en concepto de atención continuada e indemnizacións se fixan no presente decreto, seranlle de aplicación exclusivamente ó persoal que se integre no novo modelo de atención primaria unha vez realizada a oferta prevista na disposición transitoria segunda do Decreto 200/1993, do 29 de xullo, non procedendo aboamento algún daqueles conceptos ata o momento da efectiva integración.

## Disposiciones derradeiras

### **Primeira.-**

Autorízase a Consellería de Sanidade e Servizos Sociais a dicta-las disposicións necesarias para o desenvolvemento e execución do presente decreto.

### **Segunda.-**

Este decreto entrará en vigor ó día seguinte da súa publicación no Diario Oficial de Galicia.

Santiago de Compostela, dezaioito de maio de mil novecientos noventa e cinco.

Manuel Fraga Iribarne

Presidente

José Manuel Romay Beccaría



Conselleiro de Sanidade e Servicios Sociais



Este documento es de carácter informativo y no tiene valor jurídico. Está elaborado únicamente a partir de las normas publicadas en Lex.gal. Consulte la información contenida al respecto en la sección de preguntas frecuentes.